

HARI MINGGU BIASA KE-31 (B)

Ulangan 6:2-6; Mazmur 17 (18): 2-4. 47. 51. R/ v. 2; Ibrani 7:23-28
Markus 12:28-34

Tema: KITA MENGASIHI ALLAH, JIRAN DAN DIRI KITA SENDIRI SEBAB ALLAH TELAH MENGASIHI KITA TERLEBIH DAHULU.

1. Hari ini adalah Hari Minggu Biasa ke 31, Tahun Liturgi B. Bacaan-bacaan hari ini memberitahu kita mengenai Hukum yang paling utama, iaitu, kita harus mengasihi Allah kita dengan segenap jiwa, dengan segenap hati, dengan segenap budi akal dan dengan segenap kekuatan kita! Dan kita harus mengasihi jiran dan diri kita sendiri! Tiga perkara terlintas dalam pemikiran:

(i) *'Kita mengasihi, kerana Allah lebih dahulu mengasihi kita!'* (1 Yoh 4:19). Kita mengasihi Allah kerana Allah lebih dahulu mengasihi kita. Kita mengasihi jiran kita kerana Allah lebih dahulu mengasihi kita. Dan kita mengasihi diri kita kerana Allah lebih dahulu mengasihi kita. Kasih kita kepada Allah, jiran dan diri kita sendiri adalah hanya tindak balas kepada cinta kasih Allah yang lebih dahulu untuk kita!

(ii) Kita tidak boleh mengasihi Allah jika kita tidak mengasihi jiran kita juga!
"Jikalau seorang berkata: 'Aku mengasihi Allah,' dan ia membenci saudaranya, maka ia adalah pendusta, kerana barangsiapa tidak mengasihi saudaranya yang dilihatnya, tidak mungkin mengasihi Allah, yang tidak dilihatnya." (1 Yoh 4:20-21; NJB)

Tetapi yang lebih penting, kita tidak dapat mengasihi saudara kita jika kita tidak mengasihi Allah terlebih dahulu, kerana kasih itu datang dari Allah!

"Inilah kasih itu: Bukan kita yang telah mengasihi Allah, tetapi Allah yang telah mengasihi kita dan yang telah mengutus Anak-Nya sebagai pendamaian bagi dosa-dosa kita. Saudara-saudaraku yang kekasih, jikalau Allah sedemikian mengasihi kita, maka haruslah kita juga saling mengasihi." (1 Yoh 4:10-11; NJB)

R.H. Fuller (Preaching the Lectionary, 1984) memberitahu kita bahawa Yesus menyatukan hukum pertama dan kedua dalam pengertian radikal:

"Kasih Allah hanyalah khayalan jika ia bukan hasil dalam mengasihi jiran, dan mengasihi jiran adalah kasih pribadi yang dihalusi jika ia bukan hasil dari cinta kasih Allah."

(iii) Dalam tahun 2007, 138 sarjana Muslim, pendeta dan cendekiawan, dll., dari seluruh dunia, termasuk 2 dari Malaysia, menulis surat kepada Sri Paus Benediktus XVI untuk berdialog atas dua hukum utama untuk mengasihi Allah dan jiran ini! Sri Paus kita menerima jemputan untuk berdialog itu, ia menekankan bahawa seseorang tidak dapat mengasihi Allah jika dia juga tidak mengasihi jirannya!

Surat tersebut bertajuk "A Common Word Between Us and You (Perkataan Biasa Antara Kami dan Kamu)"! (13hb Oktober 2007). Perkataan biasa adalah kasih, iaitu, kasih Allah dan kasih untuk jiran! Apabila dua agama yang terbesar di dunia, iaitu, Kristian dan Islam, datang bersama untuk berdialog atas dua hukum utama Allah, terdapatlah harapan untuk mengasihi dan damai dalam dunia! Dialog tersebut masih diteruskan!

2. Bacaan pertama menuruti tema Injil. Bacaan pertama memberitahu kita juga bahawa perintah utama Hukum, iaitu:

"Tuhan itu Allah kita, Tuhan itu esa! Kasihilah Tuhan, Allahmu, dengan segenap hatimu, dengan segenap jiwamu dan dengan segenap kekuatanmu." (Ul. 6:4-5; Sunday Missal (SM))

Bacaan pertama juga memberitahu kita bahawa jika kita memelihara hukum Allah, terutama Hukum Allah untuk mengasihi Allah, kita akan diberkati dengan umur yang panjang; umur panjang untuk diri kita, untuk anak-anak kita dan untuk cucu-cucu kita. Kita juga akan diberkati dengan kekayaan dan kesuburan supaya kita dapat bertambah dan menjadi sangat banyak dan mempunyai banyak anak-anak dan cucu-cucu! Kita juga akan diberkati dengan tanah yang berlimpahan susu dan madu, iaitu, tanah yang dirahmati dan tanah yang berlimpahan!

3. Mazmur antarbacaan menuruti tema bacaan pertama. Dengan itu ayat pertama Mazmur antarbacaan yang mana sahutan di petik:

"Aku cinta-Mu, ya Tuhan, kekuatanku. Tuhanlah pelindung dan pembelaku, Allah yang menyelamatkan daku." (Mzm 17 (18): 2-3; SM)

Sesungguhnya, Tuhan menyelamatkan kita (NJBC) dengan mengasihi kita dalam Putera-Nya Yesus Kristus! Dengan itu ayat 4:47 dan 51 Mazmur antarbacaan:

"Tuhanlah gunung pengungsianku, perisai dan senjata, bentengku, sangat terpuji. Aku berseru kepada Tuhan, dan aku diselamatkan dari musuhku. Hiduplah Tuhan, terpujilah pelindungku, mulialah Allah penyelamatku. Engkau memasyurkan raja-Mu dengan kemenangan, Engkau menyatakan kasih setia-Mu kepada Daud yang Kauurapi." (Mzm 17 (18): 4. 47. 51; SM)

Dan dengan itu sahatannya:

"Aku cinta-Mu, ya Tuhan, kekuatanku.." (Mzm 17 (18): 2; SM)

4. Bacaan kedua memberitahu kepada kita mengenai perbezaan antara Imam Manusia dan Imam Yesus Kristus:

(i) Imam manusia adalah sementara dan tidak kekal, tetapi imam Yesus Kristus adalah selamanya dan kekal.

(ii) Imam manusia sendirinya adalah orang-orang berdosa, tetapi Yesus Kristus adalah tanpa noda.

(iii) Imam manusia mempersembahkan korban setiap tahun dan menurut surat kepada Ibrani, setiap hari, tetapi Yesus Kristus mempersembahkan diri-Nya sendiri sekali dan untuk semua!

(iv) Imam manusia tidak dapat menyelamatkan, tetapi hanyalah Yesus Kristus adalah penyelamat dunia!

5. Hari ini dalam Ekaristi, melalui kuasa Roh Kudus, kita membuat hadir, benar dan berkesan yang sekali dan bagi semua korban Yesus Kristus untuk penyelamatan kita dan hari ini dalam Ekaristi kita menerima Roh Kudus untuk membantu kita mengasihi Allah dengan segenap jiwa kita, hati kita, pikiran kita dan kekuatan kita, dan untuk mengasihi jiran kita seperti kita mengasihi diri kita sendiri! Sukacita dan berkat Minggu kepada kamu semua!

Amen!

Cadangan soalan untuk renungan perseorangan dan perkongsian dalam keluarga, dalam kumpulan kecil, dan kumpulan komuniti-komuniti yang kecil:

1. Adakah kamu mengasihi Allah? Adakah kamu datang ke Misa Kudus pada setiap hari minggu? Adakah kamu berdoa? Adakah kamu membaca Alkitab? Adakah kamu berkongsi dan berdoa sabda Allah dalam komuniti Kristian yang kecil?

2. Adakah kamu mengasihi jiran kamu? Adakah kamu mengampuni jiran kamu? Adakah kamu membantu yang miskin?

3. Adakah kamu mengasihi diri kamu sendiri? Adakah kamu menerima diri kamu sendiri atas segala kekurangan, kegagalan, dll., ?

Fr. Nicholas Ong, Holy Trinity Catholic Church (HTCC), Tawau, Sabah, Malaysia.